

Script of Morning Gojri News Bulletin 18 October 2024 at 1015Hrs

ما رنینگ گو جری نیوز بلیٹن مورخہ 18 اکتوبر 2024

یوہ آکا شوانی جموں ہے محمد آصف لو دھی تیں خبر سٹو۔

LG Martyrs

جنوبی کشمیر غا دہشت گردی غا شکار ہوا لوکاں نے جاتے روز راج بھون مانہہ لیفٹنٹ گو رنر منوج سنہا نال ملاقات کی۔ ملاقات غے دوران گذشتہ سالان مانہہ دہشت گردان غے ہتھوں ہلاک ہون آلاں گا گنباں غا لوکاں نے جناب سنہا تیں اُن غی باز آباد کاری واسطے اقدام چان غی مانگ کی ہے۔ اس موقعہ ور شہید ہوا سیول لوکاں نانہہ خراج عقیدت پیش کرتاں وان لیفٹنٹ گو رنر نے یقین دوايو ہے جے اُن غی ہر اک ممکن مدد کی جائے گی۔ جناب سنہا نے یوہ وی کہيو جے جموں کشمیر پولیس تے دوجا حفاظتی دستا دہشت گردان نانہہ تباہ کرن بارے پوری طرح نال کم کر رہیا ہیں۔

Chief Minister Warwan

جموں کشمیر غا وزیر اعلیٰ عمر عبداللہ نے جاتے تہاڑے کشتواڑ ضلع غی واڑون وادی غو دورو لا غے اُت حالیہ تہاڑیں اگ لگ جان غی واردات غے دوران ہوا نقصان غو نیڑے تیں تفصیلی جائزو لیو ہے۔ واضح رہ جے گذشتہ 15 اکتوبر نانہہ مل واڑون گران مانہہ اچانک اگ لگ جان غی وجہ نال متا سارا رہا نئی کھر سڑ غے سچی ہو گیا تھا۔ یا د رہ جے 16 تاریخ نانہہ جموں کشمیر غا وزیر اعلیٰ غا طور ور عہدو سنہالان تیں بعد وزیر اعلیٰ نے کشتواڑ ضلع غو دورو لا غے اگ متاثرین غو دکھ درد بنداتاں وان یقین دوايو ہے جے اُن غی حکومت اگ متاثرین نانہہ ہر ممکن مدد مہیا کرے گی۔ تانجے یہ لوک نوے سرے تیں اپنا کھر کوٹھاں غی تعمیر کر سکیں۔ اس موقعہ ور وزیر اعلیٰ نے یوہ وی اعلان کیو جے وزیر اعظم رلیف فنڈ غے تحت باز آباد کاری بارے وی اقدام چایا جائیں گا۔ اُن نے یوہ وی کہيو جے پردھان منتری آواس یوجنا غے تحت کھر کوٹھاں تعمیر کرن واسطے وی مالی مدد فراہم کی جائے گی۔ دورہ غے دوران جناب عبداللہ نے واڑون تے مڑواہ مانہہ اگ بجان بارے محکمہ غا 2 مرکز قائم کرن غو وی اعلان کیو ہے۔

DC Jammu

جموں غا ضلع ترقیاتی کمشنر سچن کمار ویشے نے جاتے روز متعلقین غی اک میٹنگ بلاغے اُن آلا سالانہ چڑی میلہ غی خاطر کی جا رہی تیاریاں غوجائزو لیو۔ اس موقعہ ور انہاں نے تمام محکمان نانہہ ہدائیت کیں ہیں جے میلہ مانہہ شرکت کرن آلا تمام لوکاں غی حفاظت غے نال نال پین غا پانی نالے صفائی ستھرائی غو مکمل بندو بست کیو جائے۔ میٹنگ غے دوران ڈی سی موصوف نے متعلقین نانہہ ہدائیت کی جے میلہ غے دوران اکھٹی ہون آلی پیڑ نانہہ قابو کرن واسطے بندوبست کیو جائے تانجے لوکاں نانہہ سوکھت پچائی جا سکے۔

DC Poonch

پونچھ غا ضلع ترقیاتی کمشنر وکاس گنڈل نے جاتے روز عہدیداراں غی اک میٹنگ بلاغے ضلع مانہہ اُمید سکیم نانہہ عملایا جان بارے کم کاج غوجائزو لیو۔ اس موقعہ ور خود روزگار پیدا کرن بارے گروپاں یعنی ایس ایچ جی غا ممبراں غے نال اُمید سکیم مانہہ

حصو لین آلی دوجی کالسریاں نانہہ جانکاری دتی میٹنگ غے دوران ڈی سی موصوف نے
جے کے آر ایل ایم غا ضلع نوڈل افسراں تے بلاک پروگرام افسراں نانہہ ہدائیت کی ہیں
جے وے امید سکیم غا دائرہ مانہہ متی کالسریاں نانہہ شامل کریں تا نجے وے خود روز
گار پیدا کر غے اپنا پیراں ور کھلی ہو سکیں۔

DC Reasi

ریا سی غا ڈپٹی کمشنر وشیش مہاجن نے جا تے روز ریت بجرى نال جڑیا تمام شراکت
داراں تے متعلقہ محکمہ غا افسراں غی اک میٹنگ بلاغے ریت تے بجرى بارے نرخاں
ور تفصیل نال غور کیو۔ اس موقعہ ور ڈی سی موصوف نے متعلقہ محکمہ نانہہ ہدائیت کیں
جے غیر قانونی طور ور ریت بجرى کڈن آلاں غے خلاف سخت کا روائی کی جا ئے۔ اُن
نے یوہ وی کہیو جے کان کنی غی خاطر استعمال کی جان آلی گڈیاں تے مشیناں ور نظر
رکھن غے نال نال سی سی ٹی وی کیمرہ نصب کیا جا ئیں تانجے دھوکہ دڑی تیں بچیو جا
سکے۔ انہاں نے یوہ وی کہیو جے گڈیاں ور گنجائش تیں متو پا ر نہ لیدیو جا ئے۔ ڈی سی
موصوف جہیڑا جے ضلع سطح غی ٹاسک فورس غا چیرمین وی ہیں نے متعلقہ محکمہ نانہہ
چکنا رہن غی ہدائیت کی ہیں تانجے غیر قانونی طور ور کی جان آلی کان کنی ور قابو
پایو جا سکے۔

Surgical Camp

ضلع کٹھوعہ غی بنی تحصیل مانہہ بکھ بکھ بیماریاں غا اعلاج غی خاطر آپریشن واسطے
اک کیمپ منعقد کرایو گیو ہے۔ جس دوران پہاڑی تحصیل بنی غا کو ئے 2 ہزار غے
نیڑے مریضاں نانہہ اس کیمپ تیں فائدو پُج سکے گو۔ واضع رہ جے جرائی بارے یوہ
کیمپ صحت تے خاندانی بھلائی بہتری بارے محکمہ تے ایس او ایس میموریل ٹرسٹ دہلی
گا اشتراک نال گذشتہ 13 نانہہ منعقد کرایو گیو تھو۔ جہیڑو جے 19 اکتوبر توڑی جا ری
رہ گو۔ واضع رہ جے اس کیمپ غے دوران بڈی غا آپریشن غے نال نال پتہ غی پتھری غو
وی آپریشن کیو جا ئے گو۔ یا درہ جے یوہ کیمپ کٹھوعہ غا ڈپٹی کمشنر ڈاکٹر راکیش
منہاس، چیف میڈیکل افسر ڈاکٹر وجے رینہ تے بلاک میڈیکل افسر ڈاکٹر دیوراج غی سربراہی
مانہہ منعقد کیو گیو ہے۔
